



Abe (empat dari kiri) bersama (dari kanan) Nauraj, Queenie dan Norliyana dalam sidang media di Kuala Lumpur pada Khamis.

Winning Meals Kachimeshi beri manfaat kepada atlet Malaysia

PROGRAM nutrisi sukan Winning Meals Kachimeshi nyata telah memberi manfaat kepada rakyat Malaysia khususnya atlet negara dalam mengamalkan pemakanan sihat.

Malah, Pengarah Urusan Ajinomoto Malaysia Berhad (AMB), Tomoharu Abe berharap program itu dapat membantu masyarakat umum yang aktif bersukan untuk menjalani hidup lebih aktif.

"Bagi pihak Ajinomoto Malaysia, kami amat menghargai kerjasama dengan tiga atlet negara dalam program nutrisi sukan, Winning Meals Kachimeshi di bawah *ASEAN Victory*

Project.

"Sepanjang projek itu, para atlet dididik dan dihidangkan dengan diet seimbang untuk memenuhi keperluan dan sasaran latihan mereka," katanya pada Khamis.

Beliau berkata demikian semasa berucap pada majlis meraikan tiga atlet olahraga negara di bawah *ASEAN Victory Project* atas kejayaan mereka meraih pingat perak dan gangsa pada Sukan SEA Hanoi 2021 baru-baru ini.

Tiga atlet berkenaan ialah pemenang pingat perak acara lompat tinggi lelaki, Nauraj Singh Randhawa;

pemenang pingat perak acara lempar cakera wanita, Queenie Ting Kung Ni dan pemenang pingat gangsa heptatlon wanita, Norliyana Kamaruddin.

Dalam pada itu, Nauraj berkata, program nutrisi sukan Winning Meals Kachimeshi itu amat membantu seperti memberikan sokongan dan semangat kepada barisan atlet negara.

"Ya menjadi sumber motivasi kepada atlet-atlet khususnya seperti saya. Malah, program nutrisi itu juga disesuaikan mengikut keperluan latihan atlet. Jadi ia banyak membantu," ujarnya.